

სისხლის სამართლის სტატისტიკის

ერთიანი ანგარიში

საანგარიშო პერიოდი - 2014 წლის აპრილი

შინაარსი

თავი III. სასამართლო სტატისტიკა	3
ნაწილი 7 სასამართლოს მიერ შეფარდებული აღკვეთის ღონისძიებები	3
7.1 აღკვეთის ღონისძიებების შეფარდების შედეგები	3
ნაწილი 8 პირველი ინსტანციის სასამართლოებში განხილული სისხლის სამართლის საქმეები	5
8.1 პირველი ინსტანციის სასამართლოების მიერ განხილულ საქმეთა საერთო რაოდენობა	5
8.2 არსებითი განხილვით დამთავრებული საქმეები	6
8.3 საპროცესო შეთანხმებით განხილული საქმეები	7
ნაწილი 9 მსჯავრდებულები	7
9.1 მსჯავრდებულთა განაწილება სასჯელის ფორმების მიხედვით	7
9.2 მსჯავრდებულთა შემადგენლობა	7
9.3 არასრულწლოვანი მსჯავრდებულები	11
ნაწილი 10 დანაშაული და შეფარდებული სასჯელები	13
10.1 დანაშაულისა და შეფარდებული სასჯელების რაოდენობა დანაშაულთა სახეების მიხედვით	13
10.2 დანაშაულისა და შეფარდებული სასჯელების რაოდენობა რეგიონების მიხედვით	17
თავი IV. სასჯელადსრულებისა და პრობაციის სტატისტიკა	21
ნაწილი 11 საქართველოს სასჯელადსრულებისა და პრობაციის სამინისტროს სასჯელადსრულების დეპარტამენტი	21
11.1 ბრალდებულთა და მსჯავრდებულთა რაოდენობა სქესობრივ-ასაკობრივ ჭრილში	21
11.2 ბრალდებულები	22
11.3 არასრულწლოვანი ბრალდებულები და მსჯავრდებულები	23
11.4 მსჯავრდებულთა რაოდენობა დანაშაულის კატეგორიის მიხედვით	24
11.5 მსჯავრდებულთა რაოდენობა დაწესებულების ტიპის მიხედვით	25
11.6 ბრალდებულთა და მსჯავრდებულთა რაოდენობა დადგენილ ლიმიტებთან შედარებით.....	26
11.7 უცხოელი ბრალდებულები და მსჯავრდებულები	27
11.8 პატიმრობისა და თავისუფლების აღკვეთის დაწესებულებებიდან გასულ ბრალდებულთა და მსჯავრდებულთა რაოდენობა	28
11.9 რესოციალიზაცია	29
11.10 დისციპლინური ღონისძიებები	32


11.11	სასჯელაღსრულების სისტემაში და სისტემის გარეთ გადაყვანილ ბრალდებულთა და მსჯავრდებულთა რაოდენობა	32
11.12	კრიმინოგენული მდგომარეობა პატიმრობისა და თავისუფლების აღკვეთის დაწესებულებებში....	33
11.13	სამედიცინო მდგომარეობა პატიმრობისა და თავისუფლების აღკვეთის დაწესებულებებში	36
ნაწილი 12	საქართველოს სასჯელაღსრულებისა და პრობაციის სამინისტროს მმართველობის სფეროში მოქმედი სსიპ - პრობაციის ეროვნული სააგენტო	45
12.1	პირობით მსჯავრდებულთა რაოდენობა	45
12.2	პირობით მსჯავრდებულთა რაოდენობის მატება	52
12.3	დასრულებული საქმეები	54
12.4	საქმეების საშუალო რაოდენობა ერთ ოფიცერზე რეგიონულ ჭრილში	56
12.5	პირობით მსჯავრდებულთა რესოციალიზაცია	57

თავი III. სასამართლო სტატისტიკა

ნაწილი 7 - სასამართლოს მიერ შეფარდებული ალკვეთის ღონისძიებები

7.1 ალკვეთის ღონისძიებების შეფარდების შედეგები

2014 წლის აპრილში პირველი ინსტანციის სასამართლოების მიერ განხილულია საგამომიებო ორგანოებიდან ალკვეთის ღონისძიებების შეფარდებაზე შემოსული 1428 შუამდგომლობა. განხილული შუამდგომლობებიდან დაპატიმრების ხვედრითი წილი შეადგენს 38,4%-ს, გირაოს ხვედრითი წილი - 60,4%-ს, გაუსვლელობისა და სათანადო ქცევის შესახებ შეთანხმების ხვედრითი წილი - 0,8%-ს (იხ. დანართი ცხრილი №9).




სულ განხილული შუამდგომლობიდან სასამართლოს მიერ დაკმაყოფილებულ იქნა 831 შუამდგომლობა, ანუ 58,2%. მათ შორის: დაპატიმრების შეფარდებაზე განხილული შუამდგომლობებიდან სასამართლოს მიერ დაკმაყოფილებულ იქნა 61,3%, გირაოს შეფარდებაზე დაკმაყოფილებულ იქნა 55,6%.

დატოვებულია განუხილველად საპროცესო შეთანხმების დამტკიცების გამო საგამომიებო ორგანოებიდან შემოსული 338 შუამდგომლობა, ანუ 23,7%.


საგამოძიებო ორგანოებიდან შემოსული შუამდგომლობებიდან უარი ეთქვა მოცემული შუამდგომლობის შეფარდებაზე და შეეფარდა სხვა აღკვეთის ღონისძიება, ან უარი ეთქვა შეფარდებაზე 259 შუამდგომლობას, ანუ 18,1%-ს;

შუამდგომლობების განხილვის შედეგები



2014 წლის აპრილში სულ შეფარდებული აღკვეთის ღონისძიებებიდან დაპატიმრებაზე მოდის 32,6% (336), გირაოზე - 59,2% (611), გაუსვლელობისა და სათანადო ქცევის შესახებ შეთანხმებაზე - 6,9% (71).

შეფარდებული ალკვეთის ღონისძიებები



2014 წლის აპრილში პირველი ინსტანციის სასამართლოების მიერ სულ შეფარდებული 1032 ალკვეთის ღონისძიებიდან საპატიმრო იყო 336, ანუ 32,6%, ხოლო არასაპატიმრო - 696, ანუ 67,4%. არასაპატიმრო ალკვეთის ღონისძიებებში შეფარდებული გირაოს ხვედრითმა წილმა შეადგინა 87,8%.


ნაწილი 8 - პირველი ინსტანციის სასამართლოებში განხილული სისხლის სამართლის საქმეები

8.1 პირველი ინსტანციის სასამართლოების მიერ განხილულ საქმეთა საერთო რაოდენობა

2014 წლის აპრილში პირველი ინსტანციის სასამართლოებში განხილულია 1305 საქმე 1487 პირის მიმართ, აქედან განაჩენის გამოტანით განხილულია 1287 საქმე, ანუ 98,6%, შეწყდა 6 საქმე (0,5%), დაუბრუნდა პროკურატურას საბრალდებო დასკვნის გადასაწყვეტად 12 საქმე, ანუ 0,9% (იხ. დანართი ცხრილი №10).

2014 წლის აპრილში განაჩენის გამოტანით განხილული საქმეებიდან საპროცესო შეთანხმებით განხილული იყო 900 საქმე (სულ განხილული საქმეების 69,9%) 1031 პირის მიმართ (სულ განხილული პირების 70,3%), არსებითი განხილვით დამთავრდა 387 საქმე (შესაბამისად 30,1%) 435 პირის მიმართ (29,7%).

პირველი ინსტანციის სასამართლოებში არსებითად და საპროცესო შეთანხმებით განხილული საქმეების ხვედრითი წილი განაჩენის გამოტანით განხილულ საქმეებში



8.2 არსებითი განხილვით დამთავრებული საქმეები

2014 წლის აპრილში პირველი ინსტანციის სასამართლოებში არსებითი განხილვით დამთავრებული 387 საქმიდან გამამტყუნებელი განაჩენი გამოტანილ იქნა 379 საქმეზე, გამამართლებელი განაჩენი - 4 საქმეზე, ნაწილობრივ გამამართლებელი განაჩენი 4 საქმეზე (იხ. დანართი ცხრილი №11).

2014 წლის აპრილში სულ არსებითი განხილვით მსჯავრდებული, გამართლებული და შეწყვეტილი 393 პირიდან გამართლებულ პირთა ხვედრითი წილი შეადგენს 2,4%-ს, ნაწილობრივ გამართლებული პირების ხვედრითი წილი - 2,3%-ს, ხოლო იმ პირების ხვედრითი წილი, რომელთა მიმართ საქმე შეწყდა შეადგენს 1,6%-ს (იხ. დანართი ცხრილი №12).

8.3 საპროცესო შეთანხმებით განხილული საქმეები

2014 წლის აპრილში პირველი ინსტანციის სასამართლოებში სულ საპროცესო შეთანხმებით შემოსული იყო 440 სისხლის სამართლის საქმე 480 პირის მიმართ. საპროცესო შეთანხმებით განაჩენი გამოტანილ იქნა 900 საქმეზე 1031 პირის მიმართ. საპროცესო შეთანხმებით გამოტანილ განაჩენებში საბრალდებო დასკვნით შემოსული საქმეების ხვედრითი წილი შეადგენს 51,3% (იხ. დანართი ცხრილი №13).


ნაწილი 9 - მსჯავრდებულები

9.1 მსჯავრდებულთა განაწილება სასჯელის ფორმების მიხედვით

2014 წლის აპრილში სულ მსჯავრდებული 1456 პირიდან:

- თავისუფლების აღკვეთა შეეფარდა 547 პირს, ანუ 37,6%-ს;
- პირობითი მსჯავრი შეეფარდა 641 პირს, ანუ 44,0%-ს;
- ჯარიმა შეეფარდა 231 პირს, ანუ 15,7%-ს;
- საზოგადოებისათვის სასარგებლო შრომა 37 პირის, ანუ 2,5%.

მსჯავრდებულთა განაწილება სასჯელის ფორმების მიხედვით



9.2 მსჯავრდებულთა შემადგენლობა


2014 წლის აპრილში სულ მსჯავრდებული 1456 პირიდან მამაკაცი შეადგენდა 95,5%-ს, ხოლო ქალი 4,5%-ს.

ალკოჰოლურ სიმთვრალეში ჩადენილი დანაშაულის ხვედრითი წილი შეადგენდა 0,5%-ს, ნარკოტიკულ სიმთვრალეში კი 3,8%-ს; ჯგუფურად ჩადენილი დანაშაულის ხვედრითი წილი შეადგენს 4,4%-ს. სოფლად ჩადენილი დანაშაული შეადგენს 9,9%-ს. სულ მსჯავრდებული პირებიდან სხვა სახელმწიფოს მოქალაქე იყო 3,5% (იხ. დანართი ცხრილი №14).

ასაკის მიხედვით მსჯავრდებულები ნაწილდება შემდეგნაირად:


- 14-17 წლის ასაკის მსჯავრდებულია 38 პირი, რაც შეადგენს 2,6%-ს,
- 18-24 წლის ასაკის - 257 პირი, ანუ 17,7%,
- 25-29 წლის ასაკის - 276 პირი, ანუ 19,0%,
- 30-49 წლის ასაკის - 702 პირი, ანუ 48,2%;
- 50 წლის ზევით ასაკის - 183 პირი, ანუ 12,6 %.

მსჯავრდებულთა განაწილება ასაკის მიხედვით



მსჯავრდებულთა შორის არასრული საშუალო განათლების მქონეა 57 პირი, ანუ 3,9%, საშუალო განათლების მქონეა 1215 პირი, ანუ 83,4%, უმაღლესი განათლების მქონეა 182 პირი, ანუ 12,5%.


მსჯავრდებულთა განაწილება განათლების დონის მიხედვით



1456 მსჯავრდებული პირიდან:

- უმუშევარია 1295, ანუ 88,9%
- კომერციული ან სხვა ორგანიზაციის მოსამსახურეა 49, ანუ 3,4%
- სხვა მომუშავეა 51, ანუ 3,5%
- კერძო მეწარმეა 8, ანუ 0,5%
- მოსწავლე ან სტუდენტია 21, ანუ 1,4%
- საჯარო მოსამსახურეა 12, ანუ 0,8% და სხვა.

**მსჯავრდებულთა გადანაწილება საქმიანობის მიხედვით
(პროცენტობით)**



მოუხსნელი და გაუქმარწყლებელი ნასამართლობის მქონეა მსჯავრდებულთა 5,5%.


9.3 არასრულწლოვანი მსჯავრდებულები

2014 წლის აპრილში მსჯავრდებული იყო 38 არასრულწლოვანი, რაც შეადგენს მარტში პირველი ინსტანციის სასამართლოებში სულ მსჯავრდებულ პირების 2,6%-ს.

არასრულწლოვანი მსჯავრდებულებიდან ვაჟი იყო 38, ანუ 97,4%, გოგონა 1, ანუ 2,6%. არ მუშაობდა და არ სწავლობდა 22 არასრულწლოვანი, ანუ სულ მსჯავრდებული არასრულწლოვნების 57,9%, ჯგუფურად დანაშაული ჩადენილი აქვს 13 პირს, ანუ 34,2%-ს (იხ. დანართი ცხრილი №15).

2014 წლის აპრილში სულ მსჯავრდებული 38 არასრულწლოვანიდან თავისუფლების აღკვეთა შეეფარდა 15 პირს, ანუ 39,5%-ს, პირობითი მსჯავრი 23 პირს, ანუ 60,5%-ს.

არასრულწლოვან მსჯავრდებულთა განაწილება სასჯელების მიხედვით



მსჯავრდებული 38 არასრულწლოვანი პირი დანაშაულის სახეების მიხედვით ნაწილდება შემდეგნაირად:

- ქურდობისათვის მსჯავრი დაედო 21 პირს, ანუ 55,3%, მათ შორის თავისუფლების აღკვეთა შეეფარდა 5 პირს, ანუ 23,3%-ს;
- თაღლითობისათვის - 7 პირის, ანუ 18,4%, მათ შორის თავისუფლების აღკვეთა შეეფარდა 7 პირს, ანუ 100,0%-ს;
- მარცვისათვის 5 პირს, ანუ 13,2%-ს, მათ შორის თავისუფლების აღკვეთა არ შეეფარდა არც ერთ პირს;
- განძრახ მკვლელობისათვის 2 პირს, ანუ 5,3%-ს, მათ შორის თავისუფლების აღკვეთა შეეფარდა 2 პირს, ანუ 100,0%-ს (იხ. დანართი ცხრილები №16,17).

რეგიონების მიხედვით არასრულწლოვანი მსჯავრდებულები ნაწილდებიან შემდეგნაირად:

- თბილისის საქალაქო სასამართლოს მიერ მსჯავრდებულ იქნა 12 არასრულწლოვანი, ანუ 42,9%;
- ქვემო ქართლის სასამართლოების მიერ მსჯავრდებულ იქნა 6 არასრულწლოვანი, ანუ 21,4%;
- იმერეთისა და აჭარის სასამართლოების მიერ მსჯავრდებულ იქნა 3 არასრულწლოვანი, ანუ 10,7% და სხვა (იხ. დანართი ცხრილი №18).

ნაწილი 10 - დანაშაული და შეფარდებული სასჯელები

10.1 დანაშაულისა და შეფარდებული სასჯელების რაოდენობა დანაშაულთა სახეების

მიხედვით


2014 წლის აპრილში პირველი ინსტანციის სასამართლოების მიერ განაჩენის გამოტანით განხილულ იქნა 1287 საქმე 1466 პირის მიმართ. მსჯავრდებული 1456 (10 პირის მიმართ გამოტანილია გამამართლებელი განაჩენი,) პირის მიერ ჩადენილი იყო 1645 დანაშაული, ხოლო დანაშაულის თითოეული ეპიზოდისათვის დანიშნულ იქნა 1817 სასჯელი (იხ. დანართი ცხრილი №19).

2014 წლის აპრილში მსჯავრდებული პირების მიერ ჩადენილი განსაკუთრებით მძიმე დანაშაული შეადგენს 13,4%-ს, მძიმე დანაშაული - 17,9%-ს, ნაკლებად მძიმე დანაშაული - 68,6%-ს.

ჩადენილი დანაშაულებისათვის დანიშნული 1817 სასჯელიდან განსაკუთრებით მძიმე დანაშაულისათვის შეფარდებული სასჯელი შეადგენს 13,4%-ს, მძიმე დანაშაულისათვის შეფარდებული სასჯელი - 22,1%-ს, ნაკლებად მძიმე დანაშაულისათვის შეფარდებული სასჯელი - 64,5%-ს.

მსჯავრდებულთა მიერ ჩადენილი დანაშაულებისა და ჩადენილი დანაშაულებისათვის

დანიშნული სასჯელების სტრუქტურა დანაშაულის კატეგორიების მიხედვით




განსაკუთრებით მძიმე დანაშაულისათვის შეფარდებულ სასჯელებში თავისუფლების აღკვეთის ხვედრითი წილი შეადგენს 79,1%-ს, პირობითი მსჯავრის - 15,2%-ს, ჯარიმის - 5,3%-ს.

მძიმე დანაშაულისათვის შეფარდებულ სასჯელებში თავისუფლების აღკვეთის ხვედრითი წილი შეადგენს 65,6%-ს, პირობითი მსჯავრის - 29,9%-ს, ჯარიმის - 4,2%-ს.

ნაკლებად მძიმე დანაშაულისათვის შეფარდებულ სასჯელებში თავისუფლების აღკვეთის ხვედრითი წილი შეადგენს 29,9%-ს, პირობითი მსჯავრის - 47,9%-ს, ჯარიმის - 18,5%-ს, საზოგადოებისათვის სასარგებლო შრომის - 3,3%-ს.


ჩადენილი დანაშაულებისათვის დანიშნული სასჯელების ფორმების

სტრუქტურა დანაშაულის კატეგორიების მიხედვით



2014 წლისა პრილში მსჯავრდებული პირების მიერ ჩადენილია 141 ძალადობრივი დანაშაული, რაც სულ ჩადენილ დანაშაულში შეადგენს 8,6%-ს, აღნიშნული დანაშაულებისათვის დანიშნულია 141 სასჯელი, ანუ 7,8%. პირველი ინსტანციის სასამართლოების მიერ ძალადობრივი დანაშაულისათვის დანიშნულ სასჯელებში თავისუფლების აღკვეთის ხვედრითი წილი შეადგენს 65,2%-ს, პირობითი მსჯავრის 21,3%-ს, ჯარიმის - 29,8%-ს, საზოგადოებისათვის სასარგებლო შრომის - 6,4%-ს.


ძალადობრივი დანაშაულებისათვის დანიშნული სასჯელები



აპრილში მსჯავრდებული პირების მიერ ჩადენილი დანაშაულებიდან კორუფციული დანაშაულის ხვედრითი წილი შეადგენს 1,7%-ს, დანიშნული სასჯელების ხვედრითი წილი - 2,0%-ს (იხ. დანართი ცხრილი №20).

საანგარიშო პერიოდში მსჯავრდებული პირების მიერ ჩადენილ დანაშაულში ყველაზე მაღალი ხვედრითი წილი მოდის: ნარკოტიკულ დანაშაულზე - 44,5% (732), საკუთრების წინააღმდეგ მიმართულ დანაშაულზე - 23,8% (391), საზოგადოებრივი უშიშროებისა და წესრიგის წინააღმდეგ დანაშაულზე - 6,9% (114), მმართველობის წესის წინააღმდეგ მიმართულ დანაშაულზე - 6,5% (107), ჯანმრტელობის წინააღმდეგ დანაშაულზე - 6,0% (98) და სხვა.


მსჯავრდებული პირების მიერ ჩადენილი დანაშაულების სტრუქტურა



2014 წლის აპრილში დანაშაულის თითოეული ეპიზოდისათვის დანიშნული 1817 სასჯელიდან:

- თავისუფლების აღკვეთა შეადგენს 44,4%-ს (806);
- პირობითი მსჯავრი 39,5%-ს (718);
- ჯარიმა 13,6%-ს (247);
- საზოგადოებისათვის სასარგებლო შრომა 2,1%-ს (39).


დანაშაულის თითოეული ეპიზოდისათვის დანიშნული სასჯელების სტრუქტურა



10.2 დანაშაულისა და დანიშნული სასჯელების რაოდენობა რეგიონების მიხედვით


2014 წლის აპრილში პირველი ინსტანციის სასამართლოებში დანაშაულის თითოეული ეპიზოდისათვის შეფარდებული სასჯელებიდან 943, ანუ 51,9% მოდის თბილისის საქალაქო სასამართლოზე, აჭარის სასამართლოებზე - 206, ანუ 11,3%, ქვემო ქართლის სასამართლოებზე - 168, ანუ 9,2% იმერეთის სასამართლოებზე - 165, ანუ 9,1%, კახეთის სასამართლოებზე - 103, ანუ 5,7%, სამეგრელოს სასამართლოებზე - 70, ანუ 3,9% და სხვა (იხ. დანართი ცხრილი №21).

ჩადენილი დანაშაულისა და დანიშნული სასჯელების განაწილება რეგიონების მიხედვით



ჩადენილი დანაშაულებისათვის დანიშნული სასჯელების ფორმების

სტრუქტურა რეგიონალურ ჭრილში (პროცენტობით)



თითოეული დანაშაულისათვის შეფარდებულ სასჯელის ღონისძიებებში თავისუფლების აღკვეთის მაღალი ხვედრითი წილი მოდის: რაჭა-ლეჩხუზე - 100,0%, ქვემო ქართლზე - 58,9%, შიდა ქართლზე - 53,1%, თბილისზე - 48,1%, გურიაზე - 45,5, კახეთზე- 40.8%, აჭარაზე - 39,8%, იმერეთზე - 35,8%, მცხეთა-მთიანეთზე -33,9% და ა.შ.

პირობითი მსჯავრის მაღალი ხვედრითი წილი მოდის: სამეგრელო-ზემო სვანეთზე - 62,9%, მცხეთა-მთიანეთზე -50,0%, სამცხეთ-ჯავახეთზე- 48,4%, შიდა ქართლზე - 46,9%, თბილისზე - 42,2%, იმერეთზე - 40,0%, და ა.შ.

ჯარიმის მაღალი ხვედრითი წილით გამოირჩევა: აჭარა - 37,9%, სამცხე-ჯავახეთი- 30,6%, გურია - 27,3%, იმერეთი - 18,8%, კახეთი - 15,5%, მცხეთა-მთიანეთი -14,3%, და სხვა.

თავი IV. სასჯელადსრულებისა და პრობაციის სტატისტიკა

ნაწილი 11 - საქართველოს სასჯელადსრულებისა და პრობაციის სამინისტროს

სასჯელადსრულების დეპარტამენტი

11.1 ბრალდებულთა და მსჯავრდებულთა რაოდენობა სქესობრივ-ასაკობრივ ჭრილში

ბრალდებულთა და მსჯავრდებულთა საერთო რაოდენობის შედარება

საქართველოს მოსახლეობის რაოდენობასთან სქესობრივ ჭრილში


2014 წლის აპრილის მდგომარეობით, სასჯელადსრულების დეპარტამენტის პატიმრობისა და თავისუფლების აღკვეთის დაწესებულებებში განთავსებული იყო სულ 9 887 პირი. მათგან 9 639 კაცი და 248 ქალია.

საქართველოს სასჯელადსრულებისა და პრობაციის სამინისტროს (შემდგომში - „სამინისტროს“) ადმინისტრაციული დეპარტამენტის საორგანიზაციო სამმართველოში ყოველთვიურად ხდება ბრალდებულებისა და მსჯავრდებულების საერთო რაოდენობის პროცენტული შედარება, საქართველოს სტატისტიკის ეროვნული სამსახურის 2014 წლის 1 იანვრის მონაცემებით დაფიქსირებულ, საქართველოს მოსახლეობის რაოდენობასთან. ქვეყნის მოსახლეობის აღნიშნულ რაოდენობასთან სასჯელადსრულების დეპარტამენტის მიმდინარე წლის აპრილის მონაცემების შედარების შედეგად ბრალდებულების/მსჯავრდებულების საერთო რიცხვმა (9 887) ქვეყნის მოსახლეობის საერთო რაოდენობის (4 490 500) 0.22% შეადგინა. მამრობითი სქესის ბრალდებულების/მსჯავრდებულების რაოდენობა (9 639) ქვეყნის მამრობითი სქესის მოსახლეობის (2 141 400) 0.45%-ს, ხოლო მდედრობითი სქესის ბრალდებულების/მსჯავრდებულების რაოდენობა (248) ქვეყნის მდედრობითი სქესის მოსახლეობის (2 349 100) 0.01%-ს შეადგენს (იხ. დანართი, ცხრილი №22).

ბრალდებულთა და მსჯავრდებულთა რაოდენობა სქესობრივ-ასაკობრივ ჯგუფებში


2014 წლის აპრილის თვეში, სქესობრივ-ასაკობრივ ჭრილში ბრალდებულთა და მსჯავრდებულთა საერთო რაოდენობის ყველაზე მეტი ხვედრითი წილი სრულწლოვან კაცებზე მოდის (9 548). ქვემოთ მოცემულია ყველა დაწესებულებაში განთავსებულ ბრალდებულთა და მსჯავრდებულთა საერთო რაოდენობის ამსახველი დიაგრამები სქესობრივ-ასაკობრივ ჭრილში, სადაც უფრო დეტალურად არის ნაჩვენები სქესობრივი და ასაკობრივი ჯგუფების პროცენტული წილის ურთიერთმიმართება (იხ. დანართი, ცხრილი №23, №24):

**ბრალდებულები და მსჯავრდებულები
ასაკობრივ ჭრილში**



როგორც მოცემული დიაგრამიდან ჩანს, ყველაზე ახალგაზრდა და ხანდაზმული ბრალდებულები და მსჯავრდებულები საერთო რაოდენობის ყველაზე ნაკლები პროცენტული მაჩვენებლებით ხასიათდებიან.

**ბრალდებულები და მსჯავრდებულები
სქესობრივ-ასაკობრივ ჭრილში**




11.2 ბრალდებულები¹

2014 წლის აპრილის თვეში, 5 პატიმრობისა და თავისუფლების აღკვეთის დაწესებულებაში სულ 1 675 ბრალდებული ირიცხებოდა. საერთო შეფარდებით პატიმრობისა და თავისუფლების აღკვეთის დაწესებულებებში

¹ წინამდებარე ანგარიშში ტერმინი „ბრალდებულები“ აღნიშნავს პატიმრობისა და თავისუფლების აღკვეთის დაწესებულებებში განთავსებულ არამსჯავრდებულ პირებს.

განთავსებულ პირთა 16.9%-ს ბრალდებულები შეადგენდნენ. დაწესებულებებს შორის მათი ხვედრითი წილი შემდეგნაირად ნაწილდება (იხ. დანართი, ცხრილი №25):



როგორც ზემოთ მოცემული დიაგრამიდან ჩანს, ყველაზე მეტი ბრალდებული 2014 წლის აპრილის თვეში №8 დაწესებულებაში ირიცხებოდა.

11.3 არასრულწლოვანი ბრალდებულები და მსჯავრდებულები


2014 წლის აპრილის მონაცემებით, საქართველოს სასჯელაღსრულების სისტემაში განთავსებული არასრულწლოვანი ბრალდებულების/მსჯავრდებულების რიცხვი (91) ბრალდებულთა და მსჯავრდებულთა საერთო რაოდენობის 0.9%-ს უტოლდება. მათგან 35 ბრალდებულია, ყველა მამრობითი სქესის. არასრულწლოვანი ბრალდებულების რიცხვი ბრალდებულთა საერთო რაოდენობის 2.1%-ს, ხოლო არასრულწლოვანი ბრალდებულების/მსჯავრდებულების საერთო რაოდენობის 38.5%-ს შეადგენს. ქვემოთ მოცემულია დაწესებულებებში მათი განაწილების ამსახველი სურათი (იხ. დანართი, ცხრილი №26):

არასრულწლოვანი ბრალდებულები



არასრულწლოვანთა შორის 56 მსჯავრდებულია, ყველა მამრობითი სქესის. არასრულწლოვანი მსჯავრდებულების რიცხვი, მსჯავრდებულთა საერთო რაოდენობის 0.7%-ს, ხოლო არასრულწლოვანი ბრალდებულების/მსჯავრდებულების საერთო რაოდენობის 61.5%-ს შეადგენს. მათი საერთო რაოდენობის პატიმრობისა და თავისუფლების აღკვეთის დაწესებულებებში განაწილების მაჩვენებელი შემდეგია (იხ. დანართი, ცხრილი №26):

არასრულწლოვანი მსჯავრდებულები




11.4 მსჯავრდებულთა რაოდენობა დანაშაულის კატეგორიის მიხედვით

2014 წლის აპრილის თვეში, პატიმრობისა და თავისუფლების აღკვეთის დაწესებულებებში განთავსებული მსჯავრდებულები ბრალდებულთა/მსჯავრდებულთა საერთო რაოდენობის 83.1%-ს შეადგენს. მათგან უმეტესობას განსაკუთრებით მძიმე დანაშაულისთვის მსჯავრდებული პირები წარმოადგენდნენ. ასევე, დიდი ხვედრითი

წილით განისაზღვრებოდა მძიმე დანაშაულისთვის მსჯავრდებული პირების რაოდენობაც (იხ. დანართი, ცხრილი №27).

მსჯავრდებულები დანაშაულის კატეგორიის მიხედვით




11.5 მსჯავრდებულთა რაოდენობა დაწესებულების ტიპის მიხედვით

2014 წლის აპრილში, მსჯავრდებულთა რიცხვი, რომელთაც თავისუფლების აღკვეთის დაწესებულებათა ტიპები² განესაზღვრათ 7 485-ს, ხოლო დაწესებულების განსაზღვრის მოლოდინში მყოფ მსჯავრდებულთა რაოდენობა 727-ს შეადგენდა. მათი რაოდენობა შეფარდებული დაწესებულების ტიპის მიხედვით შემდეგნაირად ნაწილდება (იხ. დანართი, ცხრილი №28):

² თავისუფლების აღკვეთის დაწესებულებებში ერთიანდება შემდეგი ტიპის დაწესებულებები: ნახევრად ღია, დახურული და არასრულწლოვანთა სარეაბილიტაციო.

**მსჯავრდებულები
დაწესებულების ტიპის მიხედვით**




11.6 ბრალდებულთა და მსჯავრდებულთა რაოდენობა დადგენილ ლიმიტებთან შედარებით

„საქართველოს სასჯელაღსრულებისა და პრობაციის სამინისტროს სასჯელაღსრულების დეპარტამენტის პატიმრობისა და თავისუფლების აღკვეთის დაწესებულებების შესახებ“ საქართველოს სასჯელაღსრულების, პრობაციისა და იურიდიული დახმარების საკითხთა მინისტრის 2010 წლის 27 დეკემბრის №184 ბრძანებით დადგენილია ბრალდებულთა და მსჯავრდებულთა რაოდენობრივი ლიმიტი თითოეული დაწესებულებისთვის. დაწესებულებებში განთავსებულ პირთა რეალური რაოდენობის შედარება ლიმიტირებულ რაოდენობასთან ხდება თითოეულ დაწესებულებასთან მიმართებაში.

საქართველოს სასჯელაღსრულების სისტემას დაქვემდებარებულ 15 დაწესებულებაში არსებული საპატიმრო ადგილების საერთო ლიმიტირებული რაოდენობა 23 334-ს შეადგენს. 2014 წლის აპრილის მონაცემებით, ბრალდებულთა და მსჯავრდებულთა საერთო რაოდენობა (9 887) ამ ზღვარზე 13 447 ერთეულით (57.6%-ით) ნაკლებია. ამ მხრივ სხვადასხვა დაწესებულებებში განსხვავებული მდგომარეობაა. აღსანიშნავია, რომ მიმდინარე წლის აპრილის თვეში დადგენილ ლიმიტებთან შედარებით დაწესებულებებში მეტობის მაჩვენებელი არცერთ დაწესებულებაში არ ფიგურირებს. ქვემოთ მოცემულ გრაფიკზე აღნიშნულია დაწესებულებების ჩამონათვალი ლიმიტებით, სადაც კლების ნიშნით წამმდგარებული პროცენტული მაჩვენებლის ქვემოთ ფრჩხილებში მოცემულია პროცენტული რაოდენობის შესაბამისი ციფრი. ამდენად, თითოეულ დაწესებულებაში ბრალდებულთა და მსჯავრდებულთა ამჟამინდელი რაოდენობის დადგენილ ლიმიტზე ნაკლებობა გრაფიკზე გამოსახულია როგორც რაოდენობრივი, ასევე პროცენტული მაჩვენებლის ფორმით (იხ. დანართი, ცხრილი №29):

**ბრალდებულთა და მსჯავრდებულთა რაოდენობა დადგენილ ლიმიტებთან
შედარებით ნაკლებობის მაჩვენებლებით**




როგორც მოცემული გრაფიკიდან ჩანს, 2014 წლის აპრილში არცერთ დაწესებულებაში არ ყოფილა განთავსებული ბრალდებულთა და მსჯავრდებულთა დადგენილ ლიმიტებთან შედარებით ჭარბი რაოდენობა. ხოლო, დადგენილთან შედარებით, ბრალდებულთა და მსჯავრდებულთა პროცენტულად ყველაზე ნაკლები რაოდენობა №17 დაწესებულებაში დაფიქსირდა.

11.7 უცხოელი ბრალდებულები და მსჯავრდებულები

უცხოელი ბრალდებულებისა და მსჯავრდებულების რაოდენობის დათვლა დაწესებულებების მიხედვით ყოველთვიურად მიმდინარეობს.

2014 წლის აპრილის თვეში, საქართველოს სასჯელაღსრულების სისტემაში განთავსებული იყო 21 უცხო ქვეყნის მოქალაქე. მიმდინარე წლის აპრილის დასასრულს მათი რიცხვი 190 (ბრალდებულთა/მსჯავრდებულთა საერთო რაოდენობის 1.9%-ს) შეადგენდა. მათ შორის: №5 დაწესებულებაში იმყოფებოდა 1 (რუსეთი-საქართველო), №6 დაწესებულებაში 1 (ბელგია-საქართველო), №8 დაწესებულებაში 3 (სომხეთი-საქართველო, რუსეთი-პალესტინა,

რუსეთი-საქართველო), №12 დაწესებულებაში იმყოფებოდა 1 (რუსეთი-საქართველო), №17 დაწესებულებაში 1 (ისრაელი-საქართველო) ორმაგი მოქალაქეობის მქონე ბრალდებული/მსჯავრდებული (იხ. დანართი, ცხრილი №30):




როგორც ამ დიაგრამიდან ჩანს, უცხოელთაგან უდიდესი ნაწილი თურქებზე, აზერბაიჯანელებზე, რუსებსა და სომხებზე მოდის. დაბალი მაჩვენებლებით ხასიათდებიან ალბანეთი, გერმანია, ეგვიპტე, საფრანგეთი, ტუნისი და დანარჩენი ქვეყნები, რომლებიც დიაგრამაზე გაერთიანებულია კატეგორიაში „სხვა“ (ნიგერია - 5, უზბეკეთი - 5, საბერძნეთი - 4, ინდოეთი - 3, სირია - 3, ბანგლადეში - 2, მოლდავეთი - 2, ყაზახეთი - 2, ალბანეთი - 1, გერმანია - 1, ეგვიპტე - 1, საფრანგეთი - 1, ტუნისი - 1).

11.8 პატიმრობისა და თავისუფლების აღკვეთის დაწესებულებებიდან გასულ ბრალდებულთა და მსჯავრდებულთა რაოდენობა

2014 წლის აპრილში, პატიმრობისა და თავისუფლების აღკვეთის დაწესებულებებში განთავსებულ პირთა რაოდენობამ წინა თვესთან შედარებით 652 ერთეულით დაიკლო. ქვემოთ ნაჩვენებია საანგარიშო პერიოდისთვის სასჯელადსრულების სისტემიდან სხვადასხვა საფუძვლით გასულ ბრალდებულთა/მსჯავრდებულთა საერთო რაოდენობა (იხ. დანართი, ცხრილი №31):

**სასჯელადსრულების სისტემიდან გასული
ბრალდებულები და მსჯავრდებულები**



როგორც ვხედავთ, სასჯელადსრულების სისტემიდან გასულ ბრალდებულთა/მსჯავრდებულთა უდიდესი წილი კალენდარულად და პირობით ვადამდე (სსკ 72-ე (78) და 98-ე (2) მუხლები) გათავისუფლებულ მსჯავრდებულებზე მოდის (80), შეწყალებით გათავისუფლებულია 73 მსჯავრდებული, ხოლო პირობითი მსჯავრით (სსკ 63-ე და 64-ე მუხლები) გათავისუფლებულია 51 მსჯავრდებული. დაბალი მაჩვენებლებით არის წარმოდგენილი სასჯელის მოუხდელი ნაწილის უფრო მსუბუქი სასჯელით შეცვლა, ამნისტია, და განაჩენის აღსრულების გადავადება. ხოლო, სხვა სახით გათავისუფლებულთა (გირაო, საქმის შეწყვეტა, ექსტრადიცია და სხვა) საერთო რაოდენობა (201) მთლიანი რაოდენობის 30.8%-ს შეადგენს.


11.9 რესოციალიზაცია³

რესოციალიზაციის მიმდინარეობის მაჩვენებელი თითოეული დაწესებულებისთვის ღონისძიებათა ტიპების მიხედვით ითვლება. ამ მიზნით ხდება თითოეულ პროგრამაში ჩართული ბრალდებულების/მსჯავრდებულების საერთო რაოდენობის აღრიცხვა და მათი დაყოფა სქესობრივ-ასაკობრივ ჯგუფებში.

³ რესოციალიზაციის მონაცემები მოიცავს როგორც მიმდინარე (840), ასევე საანგარიშო თვეში დასრულებულ პროგრამებს (298).

2014 წლის აპრილში, პატიმრობისა და თავისუფლების აღკვეთის დაწესებულებებში რესოციალიზაციის პროგრამები სულ 1 138 პირისთვის მოქმედებდა. ყველაზე დიდი ადგილი აღნიშნულ პროგრამებში ქვემოთ მოცემული მაჩვენებლების მიხედვით შრომას ეკავა, რაც საანგარიშო პერიოდში 446 პირისთვის განხორციელდა/მიმდინარეობდა.


ქვემოთ დიაგრამაზე ნაჩვენებია თითოეულ რესოციალიზაციის პროგრამაში ჩართული ბრალდებულების/მსჯავრდებულების რაოდენობის პროცენტული შედარება (იხ. დანართი, ცხრილი №32):



2014 წლის აპრილის თვეში, არასრულწლოვან ბრალდებულთა/მსჯავრდებულთა მიმართ განხორციელდა (მიმდინარე/დასრულებული) რესოციალიზაციის 258 (მათ შორის: №2 დაწესებულება - 52; №8 დაწესებულება - 16; №11 დაწესებულება - 190) ღონისძიება. რაც შეეხება უშუალოდ ღონისძიებებს, განხორციელდა: 22 გადამზადებითი, 33 ფსიქო-სოც. რეაბილიტაციის, 12 პროფესიული განათლების, 21 არტ-თერაპიის, 64 ზოგადი განათლების, 14 სახელობო განათლების, 10 სპორტული და 82 კულტურული ღონისძიების მიმართულებით (იხ. დანართი, ცხრილი №32).

ქვემოთ დიაგრამაზე ნაჩვენებია რესოციალიზაციის პროგრამებში ჩართული პირების რაოდენობა სქესობრივ-ასაკობრივ ჯგუფში (იხ. დანართი, ცხრილი №32):


**რესოციალიზაციის პროგრამებში ჩართული პირები
სქესობრივ-ასაკობრივ ჭრილში**



საანგარიშო პერიოდში, 82 არასრულწლოვანი კაცი ბრალდებული/მსჯავრდებული რესოციალიზაციის 258 სხვადასხვა პროგრამაში იღებდა მონაწილეობას.

ხოლო, რაც შეეხება გარესამყაროსთან ურთიერთობას, საანგარიშო პერიოდის განმავლობაში ბრალდებულებმა/მსჯავრდებულებმა პაემნის უფლებით სულ 3 905-ჯერ ისარგებლეს. საანგარიშო პერიოდში, განხორციელებული პაემნები სახეობების მიხედვით გამოსახულია ქვემოთ დიაგრამაზე (იხ. დანართი, ცხრილი №32):


**ბრალდებულთა/მსჯავრდებულთა მიმართ
განხორციელებული პაემნები**



11.10 დისციპლინური ღონისძიებები

2014 წლის აპრილის თვეში, დისციპლინური ღონისძიება პატიმრობისა და თავისუფლების აღკვეთის დაწესებულებებში 86-ჯერ იქნა გამოყენებული. საანგარიშო პერიოდში, განხორციელებული დისციპლინური ღონისძიებები სახეობების მიხედვით გამოსახულია ქვემოთ დიაგრამაზე (იხ. დანართი, ცხრილი №32):

**ბრალდებულთა/მსჯავრდებულთა მიმართ
განხორციელებული დისციპლინური ღონისძიებები**




საანგარიშო პერიოდის განმავლობაში, მსჯავრდებულთა წახალისება განხორციელდა 51-ჯერ (იხ. დანართი, ცხრილი №32).

11.11 სასჯელადსრულების სისტემაში და სისტემის გარეთ გადაყვანილ ბრალდებულთა და მსჯავრდებულთა რაოდენობა

2014 წლის აპრილში, სასჯელადსრულების სისტემაში სულ 699 პირის გადაადგილება დაფიქსირდა. მათგან, საერთო პროფილის საავადმყოფოებში - 274, ხოლო სხვა პატიმრობისა და თავისუფლების აღკვეთის დაწესებულებებში გადაყვანილ პირთა რაოდენობამ სულ 425 შეადგინა (იხ. დანართი, ცხრილი №33).

გადაყვანილი ბრალდებულები და მსჯავრდებულები




11.12 კრიმინოგენული მდგომარეობა პატიმრობისა და თავისუფლების აღკვეთის დაწესებულებებში

დანაშაულებრივი ფაქტების ჩადენის მაჩვენებელი სასჯელაღსრულების სისტემაში გამოითვლება თითოეული დაწესებულებისთვის საქართველოს სსკ მუხლებით გათვალისწინებული ქმედებების მიხედვით, რაც დაწესებულებებში კრიმინოგენული ვითარების ცალ-ცალკე ჩვენების გარდა საერთო ვითარების ასახვის საშუალებასაც იძლევა. გარდა ამისა, კრიმინოგენული სიტუაციის აღმრიცხავი მონაცემთა ცხრილები დანაშაულებრივი ფაქტებისა და მათ ჩამდენ პირთა ასაკის ურთიერთმიმართებასაც აჩვენებს.

სამინისტროს საგამომიებო დეპარტამენტის ინფორმაციაზე დაყრდნობით, 2014 წლის აპრილში, საქართველოს სასჯელაღსრულების სისტემაში მომხდარი გამოსაძიებელი ფაქტების რაოდენობამ სისხლის სამართლის კოდექსის 11 მუხლით გათვალისწინებული 47 ერთეული ქმედება შეადგინა. მათგან, ყველაზე მეტი ხვედრითი წილი საქართველოს სსკ 378² მუხლით ჩადენილ ქმედებებზე (პატიმრობის ან თავისუფლების აღკვეთის დაწესებულებაში, დროებითი ყოფნის იზოლატორსა და ჰაუპტვახტში მოთავსებული პირისათვის დაწესებულებაში აკრძალული საგნის შენახვა, ტარება, სარგებლობა) მოდის. მიმდინარე წლის აპრილის თვეში ეს მაჩვენებელი 24 ერთეულს გაუტოლდა.

ქვემოთ მოცემულ დიაგრამაზე ნაჩვენებია მიმდინარე წლის აპრილის თვეში გამოძიების დაწყების საფუძველად ქცეული დანაშაულებრივი ფაქტების რაოდენობა და მათი ხვედრითი წილი საერთო რაოდენობაში (იხ. დანართი, ცხრილი №34):


დანაშაულებრივი ფაქტები, რომლებზეც დაიწყო გამოძიება



2014 წლის აპრილის თვეში ჩადენილი დანაშაულებრივი ფაქტები, დაწესებულებებსა და დაწესებულებების გარეთ პირთა ასაკობრივი ჯგუფების მიხედვით

2014 წლის აპრილში, გამოძიება 9 სხვადასხვა დაწესებულებაში მომხდარ ფაქტებზე დაიწყო. შემდეგი გრაფიკი თითოეულ დაწესებულებაში ჩადენილი ფაქტების პროცენტულ მაჩვენებელს ასახავს (იხ. დანართი, ცხრილი №34):


ჩადენილი დანაშაულებრივი ფაქტები



საანგარიშო პერიოდში, გამოძიება ჩადენილ დანაშაულებრივ ფაქტზე სულ 39 პირის მიმართ⁴ წარიმართა. გამოძიების ობიექტი - ქმედების ჩამდენ პირთა საერთო რაოდენობის უმრავლესობას 25-35 წლამდე ასაკის პირები შეადგენდნენ. ქვემოთ ნაჩვენებ დიაგრამაზე ასახულია 2014 წლის აპრილში ჩადენილი ქმედებებისა და ჩამდენ პირთა ასაკობრივი კატეგორიების ურთიერთმიმართება (იხ. დანართი, ცხრილი №35):

⁴ სსკ 177-ე მუხლით (1 საქმე), სსკ 198-ე მუხლით (1 საქმე), სსკ 333-ე მუხლით (1 საქმე), სსკ 378¹ მუხლით (1 საქმე), 378² მუხლით (4 საქმე), გათვალისწინებულ ქმედებებზე გამოძიება დაწყებულია ფაქტებზე პირების გარეშე.

პირთა რაოდენობა, რომელთა მიმართაც დაწყებულია გამოძიება




11.13 სამედიცინო მდგომარეობა პაციენტებისა და თავისუფლების აღკვეთის დაწესებულებებში

ა) დაავადებები

2014 წლის აპრილში, სამინისტროს სამედიცინო დეპარტამენტის მონაცემებით, ექიმ-სპეციალისტთა კონსულტაციების შედეგად გამოვლენილ სხვადასხვა სახეობის დაავადებათა საერთო რაოდენობა 2 157-ს გაუტოლდა. ქვემოთ მოცემულ დიაგრამაზე ნაჩვენებია დაავადებულთა ხვედრითი წილი კონკრეტული დაავადების მიხედვით. სამედიცინო მდგომარეობის ამსახველი მონაცემთა ცხრილები ასევე იძლევა დაავადებების სქესობრივ-ასაკობრივ ჯგუფებში გავრცელების რაოდენობრივი მასშტაბის დადგენის საშუალებას.

სასჯელაღსრულების სისტემაში გავრცელებული დაავადებებიდან ყველაზე დიდი წილი სტომატოლოგიურ დაავადებებზე (1 230) მოდის, ასევე გავრცელებულია თვითდაზიანებები და ტრამვები (236), სასუნთქი სისტემის დაავადებები (176). ხოლო, მცირე მაჩვენებლებით ხასიათდებიან ჰემატოლოგიური დაავადებები (3), აივ ინფექცია/შიდსი-ახლადგამოვლენილი (1) და ონკოლოგიური დაავადებები (1) (იხ. დანართი, ცხრილი №36):


ავადობა სასჯელადსრულების სისტემაში



ზემოაღნიშნულ დიაგრამაზე ინფექციური დაავადებები (17), ენდოკრინული სისტემის დაავადებები (13), მწვავე ქირურგიული დაავადებები (8), ჰემატოლოგიური დაავადებები (3), აივ ინფექცია/შიდსი-ახლადგამოვლენილი (1), და ონკოლოგიური დაავადებები (1) გაერთიანებულია კატეგორიაში „სხვა“ (იხ. დანართი, ცხრილი №37):


საანგარიშო პერიოდში, დაავადებული პირების კატეგორიაში ყველაზე მეტი მაჩვენებლით სრულწლოვანი კაცები (1 917) ხასიათდებიან. დაავადებები სქესობრივ-ასაკობრივი ჯგუფების მიხედვით ქვემოთ დიაგრამაზე წარმოდგენილი (იხ. დანართი, ცხრილი №37):

დაავადებულ ბრალდებულთა და მსჯავრდებულთა
სქესობრივ-ასაკობრივი ჯგუფები




შემდეგი დიაგრამა განსაზღვრავს ქალებისა და კაცების ასაკობრივი კატეგორიების ხვედრით წილს დაავადებულთა საერთო რაოდენობაში (იხ. დანართი, ცხრილი №37):

დაავადებულ ბრალდებულთა და მსჯავრდებულთა
სქესობრივ-ასაკობრივი კატეგორიები



მოცემული დიაგრამიდან ჩანს, რომ მიმდინარე წლის აპრილის თვეში, დაავადებათა ყველაზე მაღალი მაჩვენებელი კაცებში 25-35 წლამდე, ხოლო ქალებში 45 წლის ზემოთ ასაკობრივ კატეგორიებში გამოვლინდა.


არასრულწლოვნებში დაავადებების რაოდენობა დაავადებათა მთლიანი რაოდენობის 4.7%-ს შეადგენს. მომდევნო დიაგრამაზე აღნიშნულია დაავადებათა მაჩვენებელი არასრულწლოვან ბრალდებულებსა და მსჯავრდებულებში დაავადების კატეგორიის მიხედვით (იხ. დანართი, ცხრილი №37):



როგორც დიაგრამიდან ვხედავთ, 2014 წლის აპრილში, არასრულწლოვან ბრალდებულებში/მსჯავრდებულებში ყველაზე დიდი მაჩვენებლით ხასიათდება სტომატოლოგიური დაავადებები. ასევე, გავრცელებულია თვითდაზიანება და ტრავმები.


შემდეგი ორი დიაგრამა აჩვენებს დაავადებათა კატეგორიების გავრცელების მასშტაბს ცალ-ცალკე მამრობითი და მდედრობითი სქესის სრულწლოვან ბრალდებულთა და მსჯავრდებულთა მიმართ (იხ. დანართი, ცხრილი №37):

დაავადებები სრულწლოვან კაცებში



ზემოაღნიშნულ დიაგრამაზე კანისა და ვენერიული დაავადებები (14), ინფექციური დაავადებები (13), ენდოკრინული სისტემის (9), მწვავე ქირურგიული დაავადებები (7), ჰემატოლოგიური დაავადებები (1), აივ ინფექცია/შიდსი-ახლადგამოვლენილი (1) და ონკოლოგიური დაავადებები (1) გაერთიანებულია კატეგორიაში „სხვა“ (იხ. დანართი, ცხრილი №37):

დაავადებები სრულწლოვან ქალებში



ზემოაღნიშნულ დიაგრამაზე ენდოკრინული სისტემის დაავადებები (4), საჭმლის მომნელებელი სისტემის დაავადებები (3), ნერვული სისტემის დაავადებები (3), ჰემატოლოგიური დაავადებები (2) და ძვალ-სახსროვანი სისტემისა და შემეერთებული ქსოვილის დაავადებები (2) გაერთიანებულია კატეგორიაში „სხვა“.


საანგარიშო პერიოდში, მდებრობითი სქესის სრულწლოვან ბრალდებულებსა და მსჯავრდებულებში, სტომატოლოგიური დაავადებების შემდეგ, შარდ-სასქესო სისტემის დაავადებები ჭარბობს. ხოლო, ზრდასრულ მამაკაცებში სტომატოლოგიური დაავადების შემდეგ, ყველაზე მაღალია თვითდაზიანებისა და ტრავმების მაჩვენებელი.

ბ) მკურნალობა

პატიმრობისა და თავისუფლების აღკვეთის დაწესებულებებში მკურნალობასთან დაკავშირებული მონაცემები ამ ეტაპზე წლიურ ფორმაში ყოველთვიურად გაწეული სამედიცინო დახმარების ტიპების მიხედვით ითვლება.


ამბულატორიული ვიზიტებისა და მკურნალობის გარდა, რომლითაც მიმდინარე წლის აპრილში ბრალდებულებმა და მსჯავრდებულებმა 15 713-ჯერ ისარგებლეს, სასჯელადსრულების სისტემაში 1 075-ჯერ იქნა გაწეული პირველადი სამედიცინო შემოწმება, 36-ჯერ სტაციონალური მკურნალობა, ხოლო 77-ჯერ სასწრაფო და გეგმიური ქირურგიული დახმარება.

ქვემოთ ნაჩვენებია დიაგრამა პატიმრობისა და თავისუფლების აღკვეთის დაწესებულებებში განთავსებულ პირთათვის 2014 წლის აპრილში გაწეულ სამედიცინო დახმარებას მისი ტიპების მიხედვით წარმოგვიდგენს (იხ. დანართი, ცხრილი №38):




ქვემოთ დიაგრამაზე ნაჩვენებია სტაციონარული მკურნალობის მიმდინარეობის მაჩვენებელი სასჯელაღსრულების სისტემისა და სამოქალაქო სექტორის სპეციალიზირებულ სტაციონარებში, რომელთა საერთო რაოდენობა 385-ს შეადგენს. სტაციონარულ მკურნალობაზე მყოფ პირთა უმეტესი ნაწილი (349) სამოქალაქო სექტორის სპეციალიზირებულ დაწესებულებებში იყო განთავსებული (იხ. დანართი, ცხრილი №38):

**სტაციონარულ მკურნალობაზე მყოფ
ბრალდებულთა და მსჯავრდებულთა რაოდენობა**




შემდეგი დიაგრამა სტომატოლოგიური მკურნალობის მიმდინარეობისას გაწეული სხვადასხვა ტიპის დახმარების მაჩვენებელს ასახავს (იხ. დანართი, ცხრილი №38):

სტომატოლოგიური მკურნალობა




რაც შეეხება სამედიცინო გამოკვლევებს, მიმდინარე წლის აპრილში ჩატარდა 4 ტიპის გამოკვლევა: ტუბერკულოზზე, „აივ“ ინფექცია/შიდსზე, ჰეპატიტებსა და ვენერიულ დაავადებებზე. მათგან ყველაზე დიდი მაჩვენებელი - 5 247 ტუბერკულოზის რისკ-ჯგუფების გამოსავლენად წარმოებულ მასიურ სკრინინგზე მოდის (იხ. დანართი, ცხრილი №38).

ჩატარებული გამოკვლევები



2014 წლის აპრილის თვეში, დაფიქსირდა სამკურნალო სარეაბილიტაციო პროგრამებში ჩართული 118 მსჯავრდებული. მათგან, უმრავლესობა - 57 პირი „აივ“ ინფექცია/შიდსის ანტირეტროვირუსულ პროგრამაში იყო ჩართული, 42 - „მეტადონით“ დეტოქსიკაციის, ხოლო 19 - ტუბერკულოზის სამკურნალო „DOTS“ (12) და „DOTS“+ (7) პროგრამებში. ქვემოთ მოცემული დიაგრამა ამ მდგომარეობას ნათლად ასახავს (იხ. დანართი, ცხრილი №38):

სამკურნალო-სარეაბილიტაციო პროგრამებში ჩართულთა რაოდენობა



ამავე თვეში, ანტიტუბერკულოზური მკურნალობის კურსი დაასრულა 12-მა ბრალდებულმა/მსჯავრდებულმა.

გ) გარდაცვალება


პატიმრობისა და თავისუფლების აღკვეთის დაწესებულებებში გარდაცვალების ფაქტები გარდაცვალების ადგილის მიხედვით აღირიცხება და შესაბამისად დგება ყოველთვიური ფორმა. ამასთან უნდა აღინიშნოს, რომ 2014 წლის აპრილის თვეში პატიმრობისა და თავისუფლების აღკვეთის დაწესებულებებში გარდაცვალების ფაქტებს ადგილი არ ჰქონია (იხ. დანართი, ცხრილი №39).

ნაწილი 12 - საქართველოს სასჯელაღსრულებისა და პრობაციის სამინისტროს მმართველობის სფეროში მოქმედი სსიპ - პრობაციის ეროვნული სააგენტო

12.1 პირობით მსჯავრდებულთა რაოდენობა⁵


პირობით მსჯავრდებულთა რაოდენობის სტატისტიკური მონაცემები რეგიონულად როგორც სქესობრივ-საკობრივ ჯგუფებში, ასევე შეფარდებული ღონისძიების მიხედვით ითვლება. 2014 აპრილის მონაცემებით, საქართველოში სულ 10 930 პირობით მსჯავრდებული დაფიქსირდა. მათი საერთო რაოდენობით რეგიონებს შორის მაღალი მაჩვენებლით თბილისი გამოირჩევა, რომელსაც ასევე მაღალი მაჩვენებლით იმერეთისა და ქვემო ქართლის რეგიონი მოსდევს. პირობით მსჯავრდებულთა ყველაზე მცირე რაოდენობა კი რაჭა-ლეჩხუმსა და ქსვანეთის რეგიონშია დაფიქსირებული (იხ. დანართი, ცხრილი №40).

პირობით მსჯავრდებულები რეგიონებში



⁵ პრობაციის სტატისტიკის ნაწილში არაპატიმარი მსჯავრდებულები და პრობაციის ღონისძიებას დაქვემდებარებული პირები აღინიშნებიან საერთო ტერმინით - „პირობით მსჯავრდებულები“.


შეფარებული ღონისძიების მიხედვით, ქვეყანაში პირობით მსჯავრდებულთა ყველაზე მეტი რაოდენობა პირობით მსჯავრზე (7 611) მოდის, ხოლო ყველაზე მცირე მაჩვენებლით (9) ხასიათდება რაოდენობა იმ პირებისა, რომლებსაც შეფარებული აქვთ სასჯელის მოხდის გადავადება (იხ. დანართი, ცხრილი №40).



როგორც დიაგრამიდან ჩანს, პრობაციის ღონისძიებაზე შეფარდებულ პირთა (პირობით მსჯავრდებულები და თავისუფლების აღკვეთის შემდგომ საპრობაციო ვადადანიშნული პირები) რაოდენობა შეადგენს ზოგადად არაპატიმარ მსჯავრდებულთა და პირობით მსჯავრდებულთა მთლიანი რაოდენობის ძირითად მასას.


მთელი ქვეყნის მასშტაბით, პირობით მსჯავრდებულთა სქესობრივ-ასაკობრივ ჯგუფებში უმეტესობა სრულწლოვანი კაცებით არის წარმოდგენილი, რაც ნათლად ჩანს ქვემოთ წარმოდგენილ დიაგრამაზე (იხ. დანართი, ცხრილი №41):

**პირობით მსჯავრდებულთა
სქესობრივ-ასაკობრივი ჯგუფები**




საანგარიშო პერიოდის განმავლობაში, პირობით მსჯავრდებულთა რაოდენობას დანაშაულის კატეგორიისა და სახეობის მიხედვით შემდეგი დიაგრამები ასახავს (იხ. დანართი, ცხრილი №42):

**პირობით მსჯავრდებულები
დანაშაულის კატეგორიის მიხედვით**




**პირობით მსჯავრდებულები
დანაშაულის სახეობის მიხედვით**




2014 წლის აპრილის მონაცემებით, არასრულწლოვანი პირობით მსჯავრდებულები (203) პირობით მსჯავრდებულთა საერთო რაოდენობის 1.9%-ს შეადგენენ. არასრულწლოვანი პირობით მსჯავრდებულების 2.5% (5) ქალია. მათი საერთო რაოდენობის კლასიფიცირება დანაშაულის კატეგორიისა და სახეობის მიხედვით შემდეგ სურათს გვაძლევს (იხ. დანართი, ცხრილი №43):

არასრულწლოვანი პირობით მსჯავრდებულები
დანაშაულის კატეგორიის მიხედვით



არასრულწლოვანი პირობით მსჯავრდებულები
დანაშაულის სახეობის მიხედვით



არასაპატიმრო სასჯელის შეფარდება ხდება როგორც ძირითადი, ასევე დამატებითი სასჯელის სახით. არასაპატიმრო სასჯელშეფარდებული პირების რაოდენობა (1 886) პირობით მსჯავრდებულთა საერთო რიცხვის 17.3%-ს შეადგენს. არასაპატიმრო სასჯელშეფარდებული პირების 2.9% (55) ქალია. მიმდინარე წლის აპრილში, ამ სახის პირობით მსჯავრდებულებს თანამდებობის დაკავების ან საქმიანობის უფლებაჩამორთმეული და საზოგადოებისთვის სასარგებლო შრომადანიშნული პირები წარმოადგენდნენ. საანგარიშო პერიოდში, თანამდებობის დაკავების ან საქმიანობის უფლების ჩამორთმევა (ძირითადი/დამატებითი სასჯელი) სულ 1 620 (არასაპატიმრო სასჯელის საერთო რაოდენობის 85.8%), ხოლო საზოგადოებისთვის სასარგებლო შრომის დანიშვნა (ძირითადი/დამატებითი სასჯელი) სულ 266 (არასაპატიმრო სასჯელის საერთო რაოდენობის 14.1%) პირს ჰქონდა შეფარდებული (იხ. დანართი, ცხრილი №44):

არასაპატიმრო სასჯელის სახით თანამდებობის დაკავების ან საქმიანობის უფლების ჩამორთმევის შეფარდების მაჩვენებელი




არასაპატიმრო სასჯელის სახით საზოგადოებისთვის სასარგებლო შრომის დანიშვნის მაჩვენებელი




საანგარიშო პერიოდში, პრობაციის ღონისძიებაშეფარდებულ პირთა რაოდენობა სულ 10 822-ს აღწევს. მათი ხვედრითი წილი შეფარდებული პრობაციის ღონისძიების მიხედვით ამგვარია (იხ. დანართი, ცხრილი №40):

პრობაციის ღონისძიების შეფარდების მაჩვენებელი



2014 წლის აპრილში, საქართველოში 12 სხვადასხვა მოქალაქეობის 81 უცხოელი პირობით მსჯავრდებული დაფიქსირდა, რაც პირობით მსჯავრდებულთა მთლიანი რაოდენობის 0.7%-ია. მოქალაქეობის მიხედვით მათი განაწილების მაჩვენებელი ქვემოთ დიაგრამაზეა მოცემული (იხ.დანართი, ცხრილი №45):


უცხოელი პირობით მსჯავრდებულები მოქალაქეობის მიხედვით




12.2 პირობით მსჯავრდებულთა რაოდენობის მატება

2014 წლის აპრილის თვეში, სასამართლო გადაწყვეტილება არასაპატიმრო სასჯელისა და პრობაციის ღონისძიების შეფარდების შესახებ სულ 955 პირის მიმართ იქნა გამოტანილი. შემდეგ დიაგრამაზე ასახულია ზემოთ აღნიშნული სასამართლო გადაწყვეტილებების რაოდენობა როგორც რეგიონულად, ასევე შეფარდებული ღონისძიების მიხედვით (იხ. დანართი, ცხრილი №46):

პირობით მსჯავრდებულთა მატება რეგიონულ კრილში




**პირობით მსჯავრდებულთა მატება
შეფარდებული ღონისძიების მიხედვით**



ქვემოთ დიაგრამაზე მოცემულია 2014 წლის აპრილის თვისთვის პირობით მსჯავრდებულთა მატების მაჩვენებელი სპეცობრივ-ასაკობრივ ჭრილში (იხ. დანართი, ცხრილი №47):


**პირობით მსჯავრდებულთა მატება
სპეცობრივ-ასაკობრივი ჯგუფები**




12.3 დასრულებული საქმეები

2014 წლის აპრილში, დასრულებული საქმეები (409) დასრულების საფუძვლისა და რეგიონების მიხედვით შემდეგნაირად ნაწილდება (იხ. დანართი, ცხრილი №48):

დასრულებული საქმეები საფუძვლის მიხედვით




დასრულებული საქმეები რეგიონულ ჭრილში



როგორც დიაგრამიდან ჩანს დასრულებული საქმეების რაოდენობის მხრივ თბილისის რეგიონის შემდეგ მაღალი მაჩვენებლით გამოირჩევა იმერეთი, ქვემო ქართლი და კახეთის რეგიონები, ხოლო რაოდენობრივად ბოლო ადგილზე რაჭა-ლეჩხ. და ქსვანეთის რეგიონია 3 დასრულებული საქმით (იხ. დანართი, ცხრილი №48).

დასრულებული საქმეების რაოდენობა პირობით მსჯავრდებულთა სქესობრივ-ასაკობრივ ჭრილში შემდეგია (იხ. დანართი, ცხრილი №49):

დასრულებული საქმეები სქესობრივ-ასაკობრივ ჭრილში




12.4 საქმეების საშუალო რაოდენობა⁶ ერთ ოფიცერზე რეგიონულ ჭრილში

2014 წლის აპრილის მონაცემების მიხედვით, ქვეყანაში 10 930 პრობაციონერის საქმე 172 პრობაციის ოფიცერზე ნაწილდება. საქმეების საშუალო რაოდენობით ერთ ოფიცერზე რეგიონებში თბილისი (82) ლიდერობს, ხოლო ყველაზე მცირე საშუალო მაჩვენებელი რაჭა-ლეჩხ. და ქ/სვანეთში (13) დაფიქსირდა. მთლიანი ქვეყნის მასშტაბით, საქმეების საშუალო რაოდენობა ერთ ოფიცერზე მიმდინარე წლის მარტში 64 იყო. ქვემოთ მოცემულ გრაფიკზე საქმეების საშუალო რაოდენობის რეგიონული მაჩვენებელია ასახული (იხ. დანართი, ცხრილი №50):

⁶ საქმეების საშუალო რაოდენობა თითოეულ პრობაციის ოფიცერზე რეგიონულ ჭრილში გამოითვლება საანგარიშო პერიოდისთვის მოცემულ რეგიონში დაფიქსირებული პრობაციონერთა რაოდენობის გაყოფით ამავე რეგიონში მოქმედ პრობაციის ოფიცერების რაოდენობაზე. მთელი ქვეყნის მასშტაბით ერთ ოფიცერზე საქმეების საშუალო რაოდენობის გამოთვლისას პრობაციონერთა საერთო რაოდენობა იყოფა საქართველოში მოქმედ ყველა პრობაციის ოფიცერის რაოდენობის აღმნიშვნელ რიცხვზე. პირობით მსჯავრდებულთა რაოდენობა როგორც რეგიონულ ჭრილში, ასევე მთელი ქვეყნის მასშტაბით ასახულია დანართის №40 ცხრილში სახელწოდებით „პირობით მსჯავრდებულთა რაოდენობა შეფარდებული ღონისძიების მიხედვით რეგიონულ ჭრილში“.

**საქმეების საშუალო რაოდენობა ერთ ოფიცერზე
რეგიონულ ჭრილში**




12.5 პირობით მსჯავრდებულთა რესოციალიზაცია


2014 წლის აპრილის თვეში, საქართველოს სასჯელაღსრულებისა და პრობაციის სამინისტროს და პრობაციის ეროვნული სააგენტოს ხელშეწყობით თბილისის, შიდა ქართლის, მცხეთა-მთიანეთის, ქვემო ქართლის, კახეთის, სამცხე-ჯავახეთის, იმერეთის, გურიის, სამეგრელო ზ/სვანეთისა, რაჭა-ლეჩხუმი და ქ/სვანეთი და აჭარის რეგიონებში განხორციელებული გადამზადებითი კურსები, საგანმანათლებლო პროგრამები, საზოგადოებრივ-კულტურული საქმიანობა, სარეაბილიტაციო და სამკურნალო პროგრამები, სოციალური დახმარებისა და დასაქმების ღონისძიებები სულ 411 პირობით მსჯავრდებულისთვის მოქმედებდა.

ქვემოთ მოცემულ დიაგრამებზე ასახულია პირობით მსჯავრდებულთა რესოციალიზაციის 2014 წლის აპრილის თვის სტატისტიკა პროგრამების, სექსობრივ-ასაკობრივი ჭრილისა და რეგიონების მიხედვით (იხ. დანართი, ცხრილი №51, №52, №53):


პირობით მსჯავრდებულთა რესოციალიზაცია
პროგრამების მიხედვით



პირობით მსჯავრდებულთა რესოციალიზაცია
სქესობრივ-ასაკობრივ ჭრილში




პირობით მსჯავრდებულთა რესოციალიზაცია
რეგიონულ ჭრილში



ქვემოთ მოცემულ დიაგრამებზე ასახულია პირობით მსჯავრდებულთა დასაქმების 2014 წლის აპრილის თვის სტატისტიკა სქესობრივ-ასაკობრივი ჭრილისა და რეგიონების მიხედვით:

პირობით მსჯავრდებულთა დასაქმება
სქესობრივ-ასაკობრივ ჯგუფში



პირობით მსჯავრდებულთა დასაქმება
რეგიონულ ჯგუფში

